



**REPUBLIKA E SHQIPËRISË
MINISTRIA E BRENDSHME
AGJENCIA E MBIKËQYRJES POLICORE**

Nr. 22/15 prot.

Tiranë më, 09.07.2025

V E N D I M

Nr. 05, datë 09.07.2025

Trupa e Vlerësimit pranë Agjencisë së Mbikëqyrjes Policore, e përbërë nga:

Edona Dushaj
Ersa Karaj
Bora Vrenjo

Kryesuese
Relatore
Anëtare

më datë 09.07.2025, mori në shqyrtim mbi bazë dokumentesh, çështjen që i përket subjektit:

SUBJEKTI I VLERËSIMIT: **Z. Loard Nazmi Sallaku**, me funksion aktual Specialist, në Sektorin e Planifikimit dhe Analizës Strategjike, në Drejtorinë e Integritetit dhe Planifikimit Strategjik, pranë Drejtorisë së Përgjithshme të Policisë së Shtetit; ish- Shef Sektori për Hetimin e Grupeve Kriminale, në Drejtorinë për Hetimin e Krimit të Organizuar, pranë Drejtorisë së Përgjithshme të Policisë së Shtetit.

OBJEKTI: Vlerësimi kalimtar i subjektit të vlerësimit.

BAZA LIGJORE: **Ligji nr. 12/2018**, “Për Vlerësimin Kalimtar dhe Periodik të punonjësve të Policisë së Shtetit, Gardës së Republikës, Shërbimit për Çështjet e Brendshme dhe Ankesat në Ministrinë e Brendshme”, i ndryshuar.

Ligji nr. 44/2015, “Kodi i Procedurave Administrative të Republikës së Shqipërisë”.

Ligji nr. 49/2012, “Për Organizimin dhe Funksionimin e Gjykatave Administrative dhe Gjykimin e Mosmarrëveshjeve Administrative”, i ndryshuar.

Rregullore nr.197, datë 28.02.2023, “Për hapat proceduralë të unifikuar”.

I. RRETHANAT E ÇËSHTJES

1. Agjencia e Mbikëqyrjes Policore është institucioni që kryen procesin e vlerësimit kalimtar të punonjësve të Policisë së Shtetit, Gardës së Republikës dhe Shërbimit për Çështjet e Brendshme dhe Ankesat, bazuar në Ligjin nr.12/2018, *“Për Vlerësimin Kalimtar dhe Periodik të Punonjësve të Policisë së Shtetit, Gardës së Republikës, Shërbimit për Çështjet e Brendshme dhe Ankesat në Ministrinë e Brendshme”*, i ndryshuar.
2. Subjekti i vlerësimit kalimtar, Loard Nazmi Sallaku ka dorëzuar *deklaratën e pasurisë, deklaratën e kontrollit të figurës dhe formularin e vlerësimit të aftësive profesionale*, për funksionin Shef Sektori për Hetimin e Grupeve Kriminale, në Drejtorinë për Hetimin e Krimin të Organizuar, pranë Drejtorisë së Përgjithshme të Policisë së Shtetit, sipas përcaktimeve të nenit 32, pika 2, nenit 36, pika 1 dhe nenit 44, pika 1, të Ligjit Nr.12/2018, *“Për Vlerësimin Kalimtar dhe Periodik të Punonjësve të Policisë së Shtetit, Gardës së Republikës, Shërbimit për Çështjet e Brendshme dhe Ankesat në Ministrinë e Brendshme”*, i ndryshuar.
3. Bazuar në nenin 6, të Ligjit nr.12/2018 *“Për Vlerësimin Kalimtar dhe Periodik të Punonjësve të Policisë së Shtetit, Gardës së Republikës dhe Shërbimit për Çështjet e Brendshme dhe Ankesat në Ministrinë e Brendshme”*, i ndryshuar, Z. Loard Sallaku ka qenë subjekt i vlerësimit kalimtar nga Agjencia e Mbikëqyrjes Policore, për shkak të funksionit Shef Sektori për Hetimin e Grupeve Kriminale, në Drejtorinë për Hetimin e Krimin të Organizuar, në Drejtorinë e Përgjithshme të Policisë së Shtetit.
4. Subjekti i vlerësimit, Z. Loard Sallaku, iu nënshtrua procedurës së shortimit, në shortin e zhvilluar në datën 13.02.2025, nga Agjencia e Mbikëqyrjes Policore, në përputhje me Udhëzimin e Ministrit të Brendshëm nr.07, datë 17.01.2023, *“Për Procedurat dhe Mënyrat e Hedhjes së Shortit për Trupat e Vlerësimit dhe Subjektet e Vlerësimit të Ligjit nr.12/2018, i ndryshuar”*. Sipas shortit të zhvilluar, Trupa e Vlerësimit përbëhet nga Znj. Edona Dushaj (Kryesuese), Znj. Ersja Karaj (Relatore) dhe Znj. Bora Vrenjo (Anëtare).
5. Në zbatim të legjislacionit në fuqi mbi parandalimin e konfliktit të interesit, u deklarua mospasja e konfliktit të interesit nga anëtarët e Trupës së Vlerësimit, sipas nenit 27, pika 1, të Ligjit nr.12/2018, i ndryshuar dhe neneve 30 dhe 31, të Kodit të Procedurave Administrative.
6. Trupa e Vlerësimit, në përputhje me Ligjin nr. 12/2018, të ndryshuar, si edhe në bazë të Rregullores nr. 197, datë 28.02.2023 *“Për hapat proceduralë të unifikuar”*, vendosi me Vendimin nr.1, datë 04.03.2025, fillimin e hetimit kryesisht për subjektin e vlerësimit Z. Loard Sallaku dhe të caktojë Kryesues të Trupës së Vlerësimit, Znj. Edona Dushaj.
7. Relatori i çështjes, nëpërmjet komunikimit elektronik zyrtar të datës 05.03.2025, njoftoi subjektin e vlerësimit për fillimin e procesit të vlerësimit kalimtar duke i bërë të njohur

përbërjen e Trupës së Vlerësimit dhe duke i kërkuar subjektit të vlerësimit të deklarojë nëse është në kushtet e konfliktit të interesit me anëtarët e trupës së vlerësimit.

8. Subjekti i vlerësimit, nëpërmjet komunikimit elektronik zyrtar është shprehur se nuk është në kushtet e konfliktit të interesit me asnjë nga anëtarët e Trupës së Vlerësimit.
9. Relatori i çështjes, në përmbushje të detyrave ligjore të përcaktuara në pikën 3, të nenit 25, të Ligjit nr. 12/2018, i ndryshuar, dhe sipas:
 - nenit 7, pika 1, të Rregullores nr. 197, datë 23.02.2023, *“Për hapat proceduralë të unifikuar”*, nenit 4, të Marrëveshjes së Bashkëpunimit ndërmjet Agjencisë së Mbikëqyrjes Policore dhe Inspektoratit të Lartë të Deklarimit dhe Kontrollit të Pasurisë dhe Konfliktit të Interesit, ka dërguar me shkresën nr.*** prot., datë 06.03.2025, pranë ILDKPKI-së, formularin e deklarimit të pasurisë për vlerësimin kalimtar të dorëzuar nga subjekti i vlerësimit .
 - nenit 7, pika 7, të Rregullores nr. 197, datë 23.02.2023, *“Për hapat proceduralë të unifikuar”*, ka dërguar me shkresën nr.*** prot., datë 06.03.2025, pranë Drejtorisë së Përgjithshme të Policisë së Shtetit, formularin e aftësive profesionale për vlerësimin kalimtar të dorëzuar nga subjekti i vlerësimit.
 - nenit 7, pika 4, të Rregullores nr. 197, datë 23.02.2023 *“Për hapat proceduralë të unifikuar”*, ka dërguar me shkresën nr.*** prot., datë 06.03.2025, pranë Agjencisë së Mbikëqyrjes Policore, deklaratën e kontrollit të figurës për vlerësimin kalimtar të dorëzuar nga subjekti i vlerësimit.
10. Drejtoria e Përgjithshme e Policisë së Shtetit, me shkresën nr.*** prot., datë 16.04.2025, ka informuar Agjencinë e Mbikëqyrjes Policore mbi Vendimin Nr. ****, datë 20.03.2025, *“Mbi Rezultatin e Zhvillimit të Konkurrimit për Pranimin në Funksione të Veçanta, në Drejtorinë e Përgjithshme të Policisë së Shtetit”*, për shpalljen fitues të Z. Loard Nazmi Sallaku, në funksione të veçanta të Policisë së Shtetit *“Specialist, në Sektorin e Planifikimit dhe Analizës Strategjike, në Drejtorinë e Integritetit dhe Planifikimit Strategjik”*.
11. Gjithashtu, Trupa e Vlerësimit ka administruar Urdhrin Nr. *** prot., datë 28.03.2025, të Drejtorit të Përgjithshëm të Policisë së Shtetit, *“Për kryerjen e Kualifikimit Policor në Akademinë e Sigurisë të Kandidatëve Fitues për pranimin në funksione të veçanta në Policinë e Shtetit”*, ku rezulton se Z. Loard Sallaku, më datë 01.04.2025, ka filluar trajnimin pranë Akademisë së Sigurisë.
12. Z. Loard Nazmi Sallaku, me Urdhër Nr. ***, datë 11.06.2025, të Drejtorit të Përgjithshëm të Policisë së Shtetit, *“Për pranimin në funksione të veçanta të Policisë së Shtetit, emërimin në detyrë dhe dhënien e gradës policore”*, është pranuar dhe emëruar në detyrën, *“Specialist, në Sektorin e Planifikimit dhe Analizës Strategjike, në Drejtorinë e Integritetit dhe Planifikimit Strategjik, në Drejtorinë e Përgjithshme të Policisë së Shtetit”*.

13. Në vijim, Relatori i çështjes, njoftoi institucionet përkatëse për ndërprerje të procesit të hetimit administrativ për subjektin e vlerësimit, Z. Loard Nazmi Sallaku dhe kthim të formularëve të deklaramentit dhe dokumentacionit/korrespondencës së nevojshme.

II.ARSYETIMI LIGJOR I TRUPËS SË VLERËSIMIT

14. Në zbatim të Ligjit nr. 12/2018, *“Për Vlerësimin Kalimtar dhe Periodik të Punonjësve të Policisë së Shtetit, Gardës së Republikës dhe Shërbimit për Çështjet e Brendshme dhe Ankesat në Ministrinë e Brendshme”*, i ndryshuar, “subjekt vlerësimi” janë punonjësit sipas përcaktimeve të bëra në nenin 6, të këtij ligji.
15. Trupa e Vlerësimit, pasi u njoh me rrethanat e çështjes, administroi dokumentacionin si vijon:
- a. Shkresë Nr.*** prot, datë 16.04.2025, *“Njoftim për punonjësin e policisë të emëruar në detyra të tjera”*, dërguar nga Drejtoria e Përgjithshme e Policisë së Shtetit. Bashkëlidhur fotokopjet:
- Vendim Nr. ****, datë 20.03.2025, *“Mbi Rezultatit e Zhvillimit të Konkurrimit për pranimin në funksione të Veçanta, në Drejtorinë e Përgjithshme të Policisë së Shtetit”*.
 - Urdhër Nr. ***** prot. datë 28.03.2025, të Drejtorit të Përgjithshëm të Policisë së Shtetit, *“Për kryerjen e Kualifikimit Policor në Akademinë e Sigurisë së Kandidatëve Fitues, për pranim në funksionet e Veçanta në Policinë e Shtetit”*.
- b. Shkresë Nr. *** prot., datë 17.06.2025, *“Njoftim për punonjësin e policisë të emëruar në detyra të tjera”*, dërguar nga Drejtoria e Përgjithshme e Policisë së Shtetit. Bashkëlidhur fotokopje njehsuar me origjinalin:
- Urdhër Nr. ***, datë 11.06.2025, të Drejtorit të Përgjithshëm të Policisë së Shtetit, *“Për pranimin në funksione të veçanta të Policisë së Shtetit, emërimin në detyrë dhe dhënien e gradës policore, Z. Loard Nazmi Sallaku”*.
16. Nga verifikimi i akteve, Trupa e Vlerësimit konstaton se ndodhemi në kushtet e emërimit të subjektit të vlerësimit në detyrën Specialist, në Sektorin e Planifikimit dhe Analizës Strategjike, në Drejtorinë e Integritit dhe Planifikimit Strategjik, në Drejtorinë e Përgjithshme të Policisë së Shtetit, në përputhje me Ligjin Nr. 82/2024 *“Për Policinë e Shtetit”*, dhe për këtë arsye Z. Loard Nazmi Sallaku,
- **Nuk është subjekt i vlerësimit kalimtar, për shkak të pozicionit të tij të punës jashtë fushës së ushtrimit të veprimtarisë së institucionit të vlerësimit kalimtar; pra pozicion që nuk përcaktohet në pikën 1, të nenit 6, të Ligjit Nr. 12/2018, i ndryshuar.**

17. Sa më sipër, Trupa e Vlerësimit deklaroi të përfunduar çështjen e hetimit administrativ të nisur ndaj subjektit të vlerësimit, pa një vendim përfundimtar për shkak se interesi, qëllimi dhe objekti për të cilin ka nisur procedura janë bërë ligjërisht të pamundur, duke konstatuar se ndodhet në kushtet e zbatimit të nenit 95, të Kodit të Procedurës Administrative.

PËR KËTO ARSYE

18. Trupa e Vlerësimit pranë Agjencisë së Mbikëqyrjes Policore, pasi u mbledh në dhomë këshillimi, mbështetur në Ligjin nr.12/2018, “Për Vlerësimin Kalimtar dhe Periodik të Punonjësve të Policisë së Shtetit, Gardës së Republikës dhe Shërbimit për Çështjet e Brendshme dhe Ankesat në Ministrinë e Brendshme”, i ndryshuar, si dhe në nenet 11, 16 dhe 95 të Kodit të Procedurave Administrative të Republikës së Shqipërisë;

V E N D O S I:

1. Ndërprerjen e procesit të vlerësimit kalimtar të Z. Loard Nazmi Sallaku, me funksion Specialist, në Sektorin e Planifikimit dhe Analizës Strategjike, në Drejtorinë e Integritetit dhe Planifikimit Strategjik, pranë Drejtorisë së Përgjithshme të Policisë së Shtetit, pa një vendim përfundimtar.
2. Vendimi i arsyetuar me shkrim u njoftohet Z. Loard Nazmi Sallaku, si edhe Drejtorisë së Përgjithshme të Policisë së Shtetit brenda 15 ditëve nga data e nesërme e shpalljes së vendimit.
3. Ky vendim publikohet në faqen zyrtare të Agjencisë së Mbikëqyrjes Policore, në përputhje me pikën 8, të nenit 56, të ligjit Nr. 12/2018, i ndryshuar.
4. Kundër këtij vendimi lejohet ankim brenda 45 ditëve nga data e njoftimit, në Gjykatën Administrative të Shkallës së Parë Tiranë.

Ky vendim u shpall sot në datë 09.07.2025, në Tiranë.

TRUPA E VLERËSIMIT

Edona DUSHAJ
Kryesuese

Ersa KARAJ
Relatore

Bora VRENJO
Anëtare